

合肥李勤恪公政書



合肥李勤恪公政書卷九目錄

國
楚
廣
湖
湘
江
經
會
經
江
編
輯
館
藏

不
情
民
國
藏
書
館

漢
淮

樊口建閘遵 旨嚴立章程摺 五年二月二十一日

沔陽等處撥借公款修築潰隄摺 五年三月二十八

黃柏山大隄修築工竣片 五年八月二十四日

密保將才摺 五年十一月二十一日

密保賢能各員片

浙江節婦黃朱氏請旌片 六年四月十六日

籲懇 仰哀摺 七年四月初三日

遵議加增洋藥煙土稅捐摺 七年六月十九日

籌辦海防並陳管見摺 十六年五月十二日

叩謝 天恩摺

恭謝 天恩摺 十六年八月二十日

廣東小閘姓礙難弛禁辦理摺 十七年四月二十七日

省河沙路鐵樁工程完竣摺 十七年十月初五日

查閱虎門各礮臺及雷廠河樁片 十七年十二月十

合肥李勤恪公政書卷九目錄

樊口建閘遵 旨嚴立章程摺

五年二月二十

奏為樊口創建石閘遵

旨嚴立章程繕具清單謹呈

御覽恭摺仰祈

聖鑒事竊臣等前奉光緒四年九月三十日

上諭前據御史李廷簫奏湖北樊口堤閘關繫農田
民命委員勘報不實請飭覆查當派彭玉麟等前
往確查茲據彭玉麟奏樊口堤閘於濱湖農田民
命所關甚重必須將濱江黃柏山起至樊口四十
里之大堤趕緊修補再於黃柏山以上添修里許
樊口以內宜修一石閘其橫直寬廣可以度地布
置並應設立埠頭搬運貨物均由民間自行經理
官則嚴立條規重懲需索等語該處堤閘既據該
前侍郎查明有裨國課民生而於漁戶商販尚無
大害自應權衡輕重酌度興修著照所請由李瀚
章等督飭屬員趕緊辦理毋任該地方官拘泥成
規稍形鬆懈等因欽此又奉十一月初六日
上諭前據彭玉麟奏遵查湖北樊口地方宜修補大
堤建築石閘當照所請諭令李瀚章等飭屬辦理
茲據李瀚章等奏一面飭議舉行並稱樊口建閘

惟於西楊畝附近一隅有益而江湖盛漲之時皆難宣洩有害通省水利等語所奏亦不為無見惟建築石閘究非堤壩可比但當察看江外內湖水勢消長以時啟閉既可宣洩盛漲又可保衛田廬未始不可兩全該督等所稱下閘必在桃汛以前啟閉應在霜降以後殊屬拘泥成說至應如何嚴立章程重懲需索之處著李瀚章等督飭屬員妥議辦理將來建閘以後利病若何仍准隨時體察情形據實具奏欽此跪誦之下欽悚莫名遵即轉

飭司道秉公妥議應如何嚴立章程重懲需索

選公正紳士責令自行集費興修及聽民設立埠頭一節有無窒礙併飭議覆當經恭摺

奏明一面專檄嚴催去後茲據湖北布政使王大經署按察使惲彥琦鹽法武昌道蒯德標漢黃德道何維健等詳稱此案奉札後遵即轉行各未府縣曉諭周知並邀集紳耆會議兩月以來僅

傳到武昌縣城及西楊畝生監數名議請按畝

出費並令外鄉外縣協助興修而武昌內四鄉

及江夏大冶等縣紳民竟無一人與議事關

特旨飭辦要件未便任令日久宕延且值春汛將臨

會大 誠恐無知愚民見小欲速以為創建石閘工鉅
費繁徂於郭瑞麟胡炳盧之故智仍在該處強
築橫壩激成事端是以由該司道督同府縣秉
公妥議擬立章程八條並聲明建閘後江魚不
能入湖蘆葦亦難如前滋長應完魚課蘆課能
否照額徵收另行確查核辦至埠頭脚夫及其
保之戶均屬等倫既虞瞻顧欺隱未能實心辦
公尤恐苛索把持轉致藉端騷擾是便民而反
以病民於情勢似多窒礙應請委員督飭經理
惟此處建造石閘係數千年來未有之創舉現
雖議立章程尚未確有把握將來利病若何仍
當凜遵

諭旨隨時體察情形據實詳請具

奏等因前來臣等伏思該處創建石閘工程浩大
必須慎之於始辦法尤宜畫一免致臨事周章
細核所議章程如建口門派首士定經費立埠
頭限保固籌歲修慎啟閉各節均尚周妥相應
繕具清單恭呈

御覽如蒙

俞允即由臣等轉飭各屬曉示紳民一體遵照趕緊

辦理此次

奏定以後儻有強橫之徒不由公保擅自聚眾飲費抗不遵建以時啟閉之石閘仍敢私築橫壩壅遏水道貽害地方即行嚴拏懲辦以肅

功令而儆奸頑再革生胡炳虛上年糾眾築壩附

近民人汪炳煌汪顯全汪顯願等不肯附和立

時將其房屋焚燬並捉去忠義後營隊勇張祥

順網燒斃命情形異常凶惡即彭玉麟查覆摺

內亦稱其向係滋事之徒現在被害被戕之家

屬環叩伸冤案懸未結應否照案勒拏務獲審

訊明確按律擬辦之處伏候

命下遵行所有築口創建石閘遵

旨嚴立章程重懲需索各緣由謹合詞恭摺由驛具

陳伏乞

皇太后

皇上聖鑒訓示謹

奏

沔陽等處撥借公款修築潰隄摺五年三月二十八日
奏為湖北沔陽天門等州縣上年隄潰被水民情
困苦分別撥借公款以工代賑恭摺具

奏仰祈

聖鑒事竊照湖北地方濱臨江漢各州縣全賴隄
保障向係按糧派土官督民修上年夏汛盛漲
以致沔陽天門黃梅等州縣各隄漫潰成口當
經臣等行司委員馳往會同地方官查勘令照
舊章就地集費興修並將大略情形恭摺

奏報聲明俟該印委各員勘估稟覆到日應修潰
隄如民力實有未逮者再當酌量撥借公款在
案旋據漢川嘉魚二縣續報被水漫隄潰口飭
據委員會同各該地方官先後勘估稟覆已潰
隄段均屬刻不容緩之工亟宜修復惟工費浩
繁若令全數就地派捐委實民力不逮所有各
邑被水情形以天門漢川二縣為最重沔陽州
次之黃梅嘉魚二縣又次之臣等伏查潰口各
隄雖由各該州縣在於受益之區照章派捐土
費第工大費鉅驟難相集且地方既遭水患秋
收失望民情尤形困苦不得不酌動公款分別

撥借藉資接濟隨即督飭司道詳加體察通盤
籌措在於所提一成釐金善後項下動給天門
縣錢一萬串沔陽州錢八千串皆係作為撫卹
之資俾得以工代賑又動給黃梅縣修築驛路
隄工銀三千兩以上四款均請免其籌還又撥
借嘉魚縣修築江堤錢三千串黃梅縣修築梅
家口等隄錢八千串此二項仍應責成地方官
督飭紳首俟今歲秋收後即在受益各區循照
向章按畝攤繳分年徵解還款似此分別辦理
庶各隄得以及時興修而民力亦可稍紓茲據
湖北布政使司王大經彙案具詳請

奏前來除仍飭催沔陽等州縣將業已興工各隄
趕緊修築務於春汛未漲以前一律完固以資
保障外所有湖北上年潰隄被水各州縣分別
撥借公款以工代賑緣由謹合詞恭摺具

奏伏乞 皇太后 皇上 聖鑒訓示謹

奏 皇太后 皇上 聖鑒訓示謹

奏 皇太后 皇上 聖鑒訓示謹

奏 皇太后 皇上 聖鑒訓示謹

籌還商款銀兩作為西征協餉片

光緒五年


再前准戶部咨陝甘督臣左宗棠奏明借用華洋商款銀三百五十萬兩每月一分二釐五毫給息由粵海關海浙海江海江漢五關出票分六年十二期還清內江漢關票借銀七十萬兩共應給息銀三十四萬一千四百十五兩另備關票分數填明隨本統期同付統在應解甘餉內劃抵行令遵照辦理等因查光緒五年三月二十日第一期應還本銀五萬八千三百兩隨給息銀五萬二千五百兩計共銀十一萬零八百兩現已竭力騰挪如數湊足於三月初五日委員解交陝甘後路糧臺轉解恪靖行營上海採運局道員胡光墉兌收歸款此項代還商款銀兩應即在於應協西征餉內劃抵伏查鄂省原協左宗棠西征餉每月二萬兩自同治六年二月為始節經按月籌解八年二月間又奉添撥銀四萬兩截至光緒三年十二月止復經解過銀四百六十萬三千餘兩四年分代還第一期第二期洋款並先後籌解共銀四十三萬九千三百零六兩二錢五分又提前撥還五年正

月二十四日第三期洋款銀十六萬九千六百
十二兩五錢均經隨時

奏報茲復代還第一期華洋商款銀十一萬零八
百兩由湖北軍需局司道具詳前來除分咨外
謹合詞附片具陳伏乞

聖鑒謹

奏



奏

聖鑒

臣等謹將代還第一期華洋商款銀十一萬零八
百兩由湖北軍需局司道具詳前來除分咨外
謹合詞附片具陳伏乞

奏

月二十四日第三期洋款銀十六萬九千六百

黃柏山大隄修築工竣片

五年八月二十四日

再前准工部咨光緒四年九月三十日奉

上諭據彭玉麟奏樊口隄闌於濱湖農田民命所關甚重必須將濱江黃柏山起至樊口四十里之大隄趕緊修補再於黃柏山以上添修里許樊口以內宜修一石閘即著照所請由李瀚章等督飭屬員趕緊辦理等因欽此臣等遵即督飭司道轉行武昌等縣衛衛邀集紳耆分別辦理並將所議建閘章程開具清單恭摺

奏明在案旋據該縣衛稟稱修築黃柏山大隄費

難驟集經該紳首稟借黃岡縣軍儲倉穀二千

石暫濟工用秋後買補還倉並有在於該處駐

紮彈壓之統領忠義軍提督劉維楨因目擊該

隄工難速成自行捐製器具督率勇丁幫同紳

民趕緊修補於伏汛未漲以前一律工竣當由

該縣衛會詣勘驗該隄自樊口內起至黃柏山

止計長四五十里根脚堅厚夯築如法現在江

水盛漲相距隄頂尚餘一丈足資抵禦等情先

後稟報前來除批飭仍將口內石閘遵照奏定

章程迅速集紳籌費興築並將該隄歲修經費

按照受益田畝預議稟辦以垂久遠外所有武
昌縣黃柏山大隄現已一律修築工竣緣由謹
合詞附片具

奏伏乞

聖鑒謹

奏



重鑿

奏

合詞附片具

昌縣黃柏山大隄與子一帶修築工竣緣由
無殊受益田畝預議稟辦以垂久遠外所有

密保將才摺五年十一月二十一日

奏為遵

旨酌保將才堪備任使各員恭摺密陳仰祈
聖鑒事竊臣接准戶部咨光緒五年八月初八日內

閣奉

上諭前因時事多艱需才孔亟疊經諭令各直省督
撫隨時保薦人才以備錄用頻年講求吏治經武
整軍各該省文武歷練既深必多堪備任使者著
各直省大吏加意訪求秉公保奏候旨簡用等因

欽此臣跪誦之下仰見

皇上慎重戎行虛己旁求之至意曷勝欽佩伏思軍

興以來各省候補將弁不下數千人皆由轉戰
立功得膺薦擢而隨營打仗與實任地方情事
不同時勢亦異尤貴量材器使蓋提鎮大員身
膺閭寄有整頓營伍督率將弁經管錢糧之責
平時則嚴明紀律遇事則斟酌機宜非若軍營
對敵以衝鋒敢戰為上况近日江海防防在在
皆資任使尤非志慮純篤膽識兼優者難膺其
選臣平日每於各營將弁留心訪察期為

國家得人茲復奉

旨垂詢謹就臣見聞所及據實上陳查有統帶湖北
武毅軍記名提督現署湖北提督吳鳳柱江蘇
人嫻習戰事穩練勇敢言行悉就老成無劍拔
弩張之氣統帶湖北水師左營提督銜記名總
兵陸成祖湖南人勇樸精強治軍嚴整巡防緝
捕井井有條頭品頂戴統帶湖南毅新營記名
提督蘇元春廣西人英姿颯爽膽氣充足辦理
緝匪事務精細詳明統帶湖南選鋒營水師提
督銜遇缺題奏總兵陳海鵬湖南人巡緝操防
實心實力為人亦沈細有謀老成穩練以上四
員於諸將中皆為出色足勝實缺提鎮之任臣
既確有所見理合據實上聞仰備

聖明簡擢謹繕摺密陳伏乞

皇太后
皇上聖鑒謹

奏

臣等謹將臣等所見湖北水師左營提督銜記名總
兵陸成祖湖南人勇樸精強治軍嚴整巡防緝
捕井井有條頭品頂戴統帶湖南毅新營記名
提督蘇元春廣西人英姿颯爽膽氣充足辦理
緝匪事務精細詳明統帶湖南選鋒營水師提
督銜遇缺題奏總兵陳海鵬湖南人巡緝操防
實心實力為人亦沈細有謀老成穩練以上四
員於諸將中皆為出色足勝實缺提鎮之任臣
既確有所見理合據實上聞仰備

密保賢能各員片

奏為遵

旨酌保賢能各員暨外省人才恭摺密陳仰祈

聖鑒事竊臣接准戶部咨開光緒五年八月初八日

內閣奉

上諭前因時事多艱需才孔亟疊經諭令各直省督撫隨時保薦人才以備錄用現在所舉各員量材授任者頗不乏人第恐聞見難周尚未盡登薦剴著各直省大吏加意訪求秉公保奏候旨簡用等因欽此仰見

皇上慎簡乃僚籲俊求賢之至意臣跪誦之下欽佩莫名伏思求治之道在於得人尤在於知人近來仕途混雜稍知自愛者皆循分供職求其材識卓犖頗不易覲臣叨荷

聖恩厯膺疆寄雖乏知人之明而竊慕以人事君之義十餘年來於所屬各員及外省僚友中凡賢能素著者業經隨時保

奏茲承

特旨垂詢敢不據見聞所及細加考核於臣心所器許者敬為

皇上臚列陳之查有現任湖北按察使姚覲元前在
雲川東道任內治理秩然官紳愜服臣前泚川時
心竊識之現官鄂省朝夕共事見其才識優長
體用兼備又能宅心正大不競不絀堪充疆吏
之選前任湖北學政翰林院編修王文在於學
使任內精密周詳為人志趨純正器識閎遠同
官三載心實重之若加以歷練吏事足膺大任
江蘇簡用道洪汝奎學裕才優品端識邃隨前
兩江督臣曾國藩辦理營務局事贊襄學畫動
合機宜至今始終如一操行純篤無急功近名

之心有飭躬故事之實其才洵不可多得湖北
候補道惲祖翼心敏才長有為有守任事不涉
矜張自能洞中窺要湖南候補道陳寶箴學識
闕通練達吏治歷任俱著循聲辦事亦有膽力
鹽運使銜候選道湖北荊州府知府倪文蔚矢
志忠純品學俱粹平情馭物不激不隨辦理地
方各務整飭精詳絕無依阿之習以上六員均
屬材能出眾器識過人足備軍用其各端身

聖明採擇臣既素所深悉理合切實聲敘繕摺密陳

皇上伏乞

聖鑒訓示謹奏

皇太后

皇上聖鑒謹

奏



皇太后

皇上聖鑒謹

浙江節婦黃朱氏請 旌片

再據湖北候補知府金星榆等稟稱節烈婦黃朱氏係浙江錢塘縣人湖北試用知縣朱世守之胞姊適於潛縣生員黃兆麟為妻夫故時氏年二十八歲生子正英甫數月該氏上侍孀姑下撫孤穉勤儉持家矢志守節該氏之姑黃蔡氏係浙江德清縣人前嚴州府學訓導蔡連之女適於潛縣拔貢生黃瑤墀為繼妻生子兆麟甫及週歲而夫亡該氏撫孤成立艱苦備嘗姑媳二人均於咸豐十一年粵匪竄入杭州省城時避出城外因賊擄黃朱氏之子恐被污辱同時投江殉節原籍戶族蕭條久未舉報該候補知府金星榆等係屬同鄉見聞既確不忍聽其湮沒等情造具事實清冊由同鄉官天門縣知縣邵世恩出具印結稟懇

奏請

旌表前來臣查該節烈婦黃蔡氏黃朱氏兩世坤貞一門節孝善心為竊早著姑恩苦志承歡更兼子職遇賊氣於倉猝乃大義之深明指水盟心仍復相依形影磨筭比烈更兼氣秉忠貞洵為

彤管之流芳宜籲

恩綸之下逮除冊結咨送禮部科暨浙江巡撫臣查

照外理合會同湖北學政臣臧濟臣附片具陳

伏乞

聖鑒訓示再湖廣總督係臣本任毋庸列銜合併陳

明謹

奏



臣

聖鑒訓示再湖廣總督係臣本任毋庸列銜合併陳

伏乞

聖鑒訓示再湖廣總督係臣本任毋庸列銜合併陳

恩綸之下逮除冊結咨送禮部科暨浙江巡撫臣查

照外理合會同湖北學政臣臧濟臣附片具陳

籲懇

抑哀摺 七年四月初三日

奏為籲懇

抑哀仰祈

聖鑒事竊臣接准部咨跪讀三月十一日

皇上諭旨驚悉三月初十日戌時

大行慈安端裕康慶昭和莊敬皇太后慈馭升遐呼搶

哀號神魂飛越伏念

大行皇太后垂簾臨御佑啟

中興前後幾二十年廓清逋寇綏緝遐邦竭憂勤惕

厲之勞奠長治久安之業

神功

聖德邁古鑠今薄海喁喁淪浹感戴方冀

徽音廣被長享遐齡濟寰宇於昇平永

九重之孝養何圖一旦捐棄臣民凡居血氣之倫曷

罄攀號之慕我

皇上至德大孝秉自性生追溯

恩慈倍深悲痛伏求

俯念神器至重善保

聖躬順變節哀勉循

遺誥並籲請

慈禧端佑康頤昭豫莊誠皇太后勉抑哀思藉資靜攝
速臻康復以慰率土臣民之仰望臣不勝激切
籲禱之至現經恭奉

諭旨外省疆吏不必入京叩謁

梓宮臣楚疆奉職遠望

闕廷迫切銜哀母能自釋惟有謹率僚屬慎固封

圻冀以仰副

朝廷委任之至意所有微臣哀籲下忱理合繕摺具陳

伏乞

皇太后

皇上聖鑒謹

奏

[Faint bleed-through text from the reverse side of the page, including characters like 奏, 伏, 乞, 皇, 太后, 皇上, 聖, 鑒, 謹, 奏, 伏, 乞, 皇, 太后, 皇上, 聖, 鑒, 謹, 奏]

[Faint bleed-through text from the reverse side of the page, including characters like 奏, 伏, 乞, 皇, 太后, 皇上, 聖, 鑒, 謹, 奏, 伏, 乞, 皇, 太后, 皇上, 聖, 鑒, 謹, 奏]

遵議加增洋藥煙土稅捐摺七年六月十九日
奏為遵

旨悉心籌議據實覆陳恭摺仰祈

聖鑒事竊^臣等於光緒七年五月十九日承准軍機

大臣字寄五月初九日奉

上諭左宗棠奏禁食鴉片請先增洋藥土煙稅捐以
收實效一摺各省原定洋藥釐捐本較洋稅為重
乃總計所收釐金竟遠不及進口之稅是承辦各
員任令奸商隱匿偷漏情弊顯然現照左宗棠所
擬每洋藥百斤統稅釐合計共徵銀一百五十兩
內地土煙價值較低稅釐准照洋藥推算徵收亦
尚平允著南北洋大臣各直省督撫將各關口及
各地方情形詳細體察將稽查徵收章程悉心妥
議於一月內覆奏候旨定奪等因欽此遵即轉飭
查明原定藥稅章程通盤籌畫妥議詳辦去後
茲據湖北布政司江漢關宜昌關會同牙釐局
司道詳稱鴉片流毒中國吸食者日多誠如
諭旨所言沉溺既久非空文所能禁制左宗棠奏請
加徵稅釐參用罰懲遺意冀挽頽風洵為救時
急務自應體察遵行惟鄂省居長江上游凡洋

藥進口已在江海關完納正稅銀三十兩運至江漢宜昌兩關僅憑票查驗無稅可收今議加抽一百五十兩稅釐既未分清數目又相懸絕似非由初次進口之關與洋人議定遽難照辦溯查釐金定章洋藥一項必俟華商販運轉入行店出售始行分別抽收落地過境之釐所謂落地者係由行戶開報稽查雖嚴仍難得全銷之實數過境者與百貨錯雜携取甚便不能杜夾帶之藏其土藥一項來自川滇等省較洋藥價值本低釐章即因之有別販運者多由山僻繞道而行最易偷漏咸豐九年奏明就入境釐卡抽收改釐為稅擇要於宜昌之平善壩荊州之沙市襄陽之老河口樊城設卡分辦仍照每藥百斤收稅銀三十兩按季造冊報部此外州縣集鎮零星販賣者即歸釐局抽收不名為稅同一土煙而稅釐析而為二連江漢關所征土藥出口正半稅銀則已隸三處抽收合之見多分之見少然京協各餉及本省防營善後諸費賴以奏撥解濟商民輸納歷久相安此稅釐照章循辦已有成效者也現在議加稅釐除洋藥

須候進口之關定議始能籌辦外其土煙則鄰
近各省多有出產若議加之數統就出產之地
總收則鄂省幾無可收之釐然既曰土煙即應
由我自主洋人不得過問凡有販運來鄂入境
以後必須仍照舊章抽收方為平允鄂省原設
平善壩沙市樊城老河口等卡地均扼要又有
漢口總匯向收土藥釐稅均係填給聯票粘貼
印花以憑查驗如經腹地局卡無票呈驗者即
係偷漏照章倍收示罰立法尚屬周密將來如
何議加或即就原有局卡或另行添設應俟洋
藥稅釐議定方可準則推算征收惟是稅釐愈
重恐致偷漏愈多緣土之為物質小而價重易
於夾帶藏匿而水陸路途歧出稽查尤屬難週
今若以查洋藥之故多設局卡則經費繁鉅得
不償失且行旅往來必滋擾累更慮不肖丁差
得賄私縱是防民善俗之舉反為若輩牟利之
端矣况販運藥土商人每多雇用獯悍之徒結
夥成羣攜帶器械恃其人眾不服盤查果欲認
真堵截則巡役不足抵禦必將繼以兵勇辦理
稍未妥洽難免激成事端各省軍務平定未久

十餘年來休養生息尚未能家給人足萬一因查土孽衅抗官滋鬧伏莽聞風附和則興師剿辦縱使立時撲滅而地方已受其害此又反覆籌商不能不鯁鯁過慮等情詳請核

奏前來臣等伏思鴉片有害於

國計民生人盡知之而迫於時勢挽救無術左宗棠奏請加征稅釐以重罰為嚴禁冀價貴而癮減其意未始不善按通商條約洋商販運洋藥祇准在通商口岸售賣不准入內地銷售立法本極嚴密惟此口運至彼口在所不禁湖北凡

有運到洋藥皆係已在江海關完稅之貨故江

漢宜昌兩關向不徵收洋藥稅銀必俟華商赴洋行買進後始行抽收內地釐稅每百斤抽收錢二十餘串尚多隱匿偷漏如左宗棠原奏加征洋藥釐稅設立三聯單有合辦分辦二層合辦謂於總口征洋商之稅即併內地釐金而加征之此法誠為扼要可杜奸商滲漏然如何統收分解似須先為計及分辦謂於總口照稅加釐外於內地分銷各口加征華商之釐向來洋商由上海轉運洋藥赴各口銷售例不完釐今

欲加釐而聯票又須洋商遵領細繹此二層均
與洋商互相交涉查煙台條款內議令英商於
販運洋藥入口時封存棧房躉船迄今尚未開
辦勢難由我自主今改定章程似須中外會議
妥洽乃可推行盡利臣等愚見應請仍由總理
衙門及南北洋大臣與各國公使商議將煙台
條約所載洋藥入口由關派入稽查封存棧房
躉船俟洋商照則完稅並令買客在新關輸納
釐捐趕緊定章舉辦但洋商不准自運內地一
節仍須堅守不可因加稅自亂其例俟議定後
通行各直省俾有遵循而江漢宜昌兩關亦均
可仿照辦理矣至土煙應加稅釐一俟洋藥辦
成照本推算增加事較易行惟慮釐稅愈重繞
越偷漏愈多若處處添設巡卡則所費不貲稽
查固鮮良策辦理恐難收實效所有遵議加增
洋藥土煙稅捐實在情形謹合詞恭摺由驛覆
陳伏乞

皇太后

皇上聖鑒訓示謹

奏

籌辦海防並陳管見摺 十六年五月十二日

奏為籌辦廣東海防分別築臺購礮設法措備經費並敬陳管見恭摺仰祈

聖鑒事竊維廣東負山帶海地險民強西北民搖離處鎮懾已非易易至沿海各府州縣皆有港口堪以開埠屯船是海防尤為當務之急臣前在粵東畧知形勝此次仰荷

天恩重臨嶺表蒞任以來即與將領僚屬朝夕討論咸謂粵東防務以海口為先而海防尤以臺礮兵輪為要綜論全局除省防外莫如瓊廉兩府是以前督臣張之洞瀕交卸時有建築瓊廉海口礮臺礮隄訂購大礮車礮之

奏 臣將所奏各節逐一訪察持論固合機宜而擇地建臺與配礮一切尚有未盡合宜之處當飭各該鎮道會同確勘通北洋海軍提督丁汝昌駕馭兵輪游歷過粵 臣囑其親往查看詳加測繪旋據該鎮道等先後來省面稟與 臣訪察情形大致相同丁汝昌亦繪具圖說據稱勘得各處應修礮臺以瓊州府海口為最要而崖州之榆林港儋州之洋浦次之又勘得廉州地方如

北海嶺地角嶺原有礮臺須加修整其餘龜尾
冠頭嶺方門嶺等處斗入海中面瞰大洋安設
礮臺亦可稍壯聲勢而三面濱海處處皆可登
岸以繞礮臺後路守之維艱白龍尾其地重在
陸防所有礮臺工程似屬可緩各等語正籌辦
間承准海軍衙門咨開遵

旨覈議鈔錄議覆原奏咨行到粵

臣查前督臣張之

洞原奏謂瓊州海口城西五里之秀英山岡阜
高廣擬築臺七座海口城西十里之西場築臺
三座每臺均配二十四生三十五倍口徑大礮

一尊又海口城後之火英山築臺五座配十五

生長礮五尊並於濱海一帶起自西場東至牛
始舊礮臺二十餘里築一礮隄共配七生牛車

礮一百零二尊又稱廉州北海之冠頭嶺最為

扼要遠瞰大洋擬於冠頭嶺天馬嶺石龜尾諸

山築臺五座配二十四生礮五尊並練陸軍車

礮五隊配八生七車礮三十尊用馬駕運又白

龍尾地方應於近內較高之山建設礮臺五處

將省防撤出銅礮五尊撥用又稱擬於榆林港

口門外東山樂道嶺西山獨田嶺分築礮臺各

三座配十五生礮六尊各等語臣查二十四生
長礮出子太高不能平擊礮彈太大力亦不能
過遠瓊州海口之秀英山既屬高阜若再配出
子過高之礮馬能下擊敵船冠頭嶺等處既瞰
大洋則敵船從遠處繞越雖有加長巨礮亦何
所用臣故於春間飭令德商李德向克虜伯廠
將前改訂二十四生長礮退去九尊仍訂十一
尊俟測定礮臺式樣應配何礮再行接造庶鉅
款不致虛糜至瓊廉兩處礮臺前督臣擬欲一
時並舉查改訂長礮二十尊約需銀八十六萬
餘兩車礮一百三十二尊合銀三十七萬餘兩
運費保險在外業已需銀一百二三十萬而車
礮所需馬隊及礮臺礮隈工程均未計及綜計
應築礮臺即照北洋辦法以防勇代工合諸料
物等件至省亦須百餘萬兼營併舉經費何出
臣通盤籌畫須將各處臺工分別緩急次第舉
辦查瓊州孤立海中較廉防更關緊要應先從
瓊山海口建立臺座安配礮位遞及崖州之榆
林港儋州之洋浦瓊州臺礮辦竣再及廉州各
處惟據丁汝昌指陳建臺地名數與前督臣原

奏地方不符或係形勢之殊或係土名之異事
關創建不厭精詳復經臣疊經電飭該鎮道等
逐細覆勘將應辦事宜豫為籌畫至於踴看地
勢定立方向必得精通洋弁代為勘訂庶可合
用刻下雨水正盛各處均屬炎瘴未便興工擬
俟秋涼咨商北洋將所雇洋師漢德根派令來
粵確切勘估講求辦法再行開辦此臣籌辦臺
工分別先後之情形也惟興工動役必須豫籌
經費廣東各款歲有常支近來京協各餉提撥
愈多欲興工役措署頗難前督臣原訂十五生
礮嗣改為長礮二十尊加價甚多合計所訂各
礮並車礮先付半價司局雜款挪墊一空而潮
肇兩關籌備購礮專款為期仍待十年緩不濟
急墊款無從籌補臨交卸時又裁免巡緝經費
每年數十萬全而用款一切照舊且有應付各
礮後半價銀連廣西邊防添購礮價合計需銀
七八十萬均屬新增現經臣減緩長礮九尊暫
可省銀三十餘萬又停止不急之務多起無如
入款過減雖極力節嗇亦屬竭蹶上年前督臣
奏白龍尾臺工委陶定昇前往勘估督同馮子

材所部將弁修造等語查此項工程該鎮等並未開辦亦因領款無得以致停擱今巡緝經費既經裁免而諸務又難中止臣與司道商計擬於鹽務準商水客暨各項大宗生理勸其勉力報効海防經費但強弩之末難集鉅資容俟辦有成數酌量臺工隄工分撥應用並陸續添購十五生礮位再行隨時

奏明辦理此臣擬籌經費之情形也抑臣更有進者廣東沿海袤延千有餘里舟楫隨處可通即如附省港道向稱六門現惟中路之虎門黃埔

等處設有堅臺精礮其餘五門尚覺空虛此外潮州之汕頭高州之水東安埔惠州之稔山等處輪船皆可暢行其尚有未經測出如榆林港洋浦者不知凡幾安能遍置礮臺即使遍築而兵分力單亦難保固非有大號兵輪往來策應僅恃臺礮亦非萬全之策前督臣所造各船皆係淺水兵輪不能駛至大海其在閩廠協造各船已到者廣甲廣庚惟廣甲可行外洋今春臣派赴北洋聽候會操並令該船管駕隨同丁汝昌放洋操演已將未能合式之處就近在香港

船澳雇令洋匠修配齊全然船身不大未為盡善其廣乙廣丙船式與廣甲相埒須至今秋明冬乃成臣已屬丁汝昌轉致閩廠按照北洋船式添配修改此外廣丁一艘尚未動工辛壬癸三艘船身過小均難適用臣已咨商緩辦擬俟乙丙兩船造齊一併派赴北洋操練現粵東應付礮價及築臺要工款項尚須經畫如果物力稍紓擬仍添購中號鐵甲兵輪一二艘配成一隊聊備緩急此則微臣區區之微意而未知能否辦到者也所有微臣籌備海防情形謹據實恭摺

具陳伏乞

皇上聖鑒訓示謹

奏

臣等竊以海軍要工燒匠尚民懸壺也其於公
丁丙兩船並齊一併派赴北洋操練與粵東
三艘船身過小均難適用臣已咨商緩辦擬
俟乙丙兩船造齊一併派赴北洋操練現粵東
應付礮價及築臺要工款項尚須經畫如果物
力稍紓擬仍添購中號鐵甲兵輪一二艘配成
一隊聊備緩急此則微臣區區之微意而未知能否
辦到者也所有微臣籌備海防情形謹據實恭摺
具陳伏乞
皇上聖鑒訓示謹
奏

叩謝

天恩摺

奏為叩謝

天恩恭摺仰祈

聖鑒事竊於四月十一日禮闈揭曉

臣子舉人經奮

中式光緒十六年庚寅

恩科第一百二十九名貢士經翰林院帶領引

見敬讀電鈔五月初十日奉

上諭李經畬著改為翰林院庶吉士欽此臣當即恭

設香案望

闕叩頭謝

恩訖伏念臣卅年疆寄有愧良弓七秩樗庸違言忒

穀有子束身於廉孝相期報

國以文章

臣子經奮

肥水凡材藝林薄植少叨門蔭

幸除劉湛之階甫歷郎曹濫副光庭之選當

慶榜宏開於

京洛迺微名上附於

瀛洲小草無知得覩

西清之秘笈析薪何幸竟分

東壁之餘光惟

大廷之葑菲無遺斯後進之茅茹共拔在

聖主廣作人之化普率土以

敷恩而微臣念舐犢之私實戴

山而知重瞻

天拜命跼地增慙臣惟有勛以飭躬導之務本深愧

臯陶之濟美勉如狐哭之效忠庶一門之

雨露長承永此

無疆之覆幬即

億代之河山孔固猶將累世以銜環所有微臣感激下

忱謹繕摺叩謝

天恩伏乞

皇上聖鑒謹

奏

奏

奏

奏

奏

奏

奏

奏

奏

恭謝

天恩摺

十六年八月二十日

奏為恭謝

天恩仰祈

聖鑒事竊臣本年七月二十七日七十生辰仰蒙

皇上天恩特加

賞賚

御筆宣猷篤祐扁額一面

御筆福字一方

御筆壽字一方梵銅佛像一尊白玉三鍊如意一柄

小卷吉綢八件線綉八件由臣長子翰林院庶

吉士經畬恭齋到粵當即恭設香案叩頭祇領

伏念臣早貢成均壯襄戎幕洊躋開府忝領兼

圻川黔之蕩節曾持蘇浙之銀符暫綰昔在楚

江南北未報涓埃今來粵嶺東西仍承

眷注觀

天顏於

丹陛聆

聖訓於青蒲

禁城則

賜騎晨趨

御苑則

賞船曉度寵榮逾分悚懼已深加以臣弟鴻章備位

綸扉紫韉

特錫臣子經會廁名翰苑彩筆初簪

恩萃一門感縈五內每念

九重知遇竭驚悃以難酬方當七十年華愧駒光之

虛度迺荷

聖慈渥沛

懋賞優加

寶墨熒煌擁祥雲於楣額

璇題璀璨溢瑞露於珠毫勗召棠邠黍以宣猷

皇猷邁駿期越雉旅縻以篤祐

帝祐延鴻

福篆龍牋

福海則東瀛鏡淨

壽筭鳳詔

壽星則南極珠明莊嚴而金鑄長生願率萬家膜拜

溫潤而玉嵌如意敢矜諸將指揮長欽

密勿之絲綸彌頌

昇平之黼黻在

微臣

廿載封疆壤流奚補而

聖主九天幬覆

雨露逾醲仰

賜目之駢蕃俯捫心而震悚

恩深報淺感極慚生臣惟有勉效靖共冀酬

高厚晚節之松筠益勵向陽之葵藿常傾幸依

舜日舒長叨

三錫而康侯協吉願祝

堯齡曼行頌

九如而天保延釐所有微臣感激榮幸下忱理合繕摺

叩謝

天恩伏乞

皇上聖鑒謹

奏

五體兩儀於射古禮於

樂日禮壽如

高厚報淺感極慚生臣惟有勉效靖共冀酬

恩深報淺感極慚生臣惟有勉效靖共冀酬

賜目之駢蕃俯捫心而震悚

雨露逾醲仰

聖主九天幬覆

廣東小聞姓礙難弛禁辦理摺

光緒十七年四月二十七日

奏為廣東小聞姓有害民生無益餉項礙難弛禁

辦理據實恭摺覆陳仰祈

聖鑒事竊臣承准軍機大臣字寄光緒十七年三月

初四日奉

上諭有人奏廣東聞姓之外尚有小聞姓並不關涉
考試請仿照聞姓緝私助餉撥解海軍衙門等語
著李瀚章斟酌情形查明覆奏原摺鈔給閱看等
因欽此伏念海軍衙門經費支絀如果小聞姓緝
私繳餉有益於

國無損於民自當擴此利源以資協濟惟臣斟酌

事理諮訪官紳實有礙難舉辦者謹為我

皇上詳晰陳之查小聞姓即白鴿票用千字文八十

字刊票發賣每張售錢四五文不等任人買猜

上彩者可得銀七八兩勝者絕少負者恆多近

又有用姓氏刊票者因變其名曰小聞姓雖無

關於考試實有害於民生臣到任以後疊飭查

拏又於光緒十六年七月十三日欽奉寄

諭確查嚴禁當將查禁情形覆奏在案旋禁旋開未
符政體此礙難舉辦者一也粵人雖多嗜賭然

苟稍知自愛豈肯身入博場惟小閨姓沿門投
賣無處不到晝買夜開毫無間斷愚夫愚婦以
其所費無多所得較厚不知逐日累月得不償
失迨至輸久計窮流弊不堪設想縱使弛禁既
無殷商承充亦無正紳願保而零星收取徒滋
紛擾難得實際此礙難舉辦者二也原奏內稱
與其虛懸禁令何如取濟要需其言亦切中時
弊不知粵東白鴿票流傳已久驟難盡絕根株
但禁令所在人尚知做官吏察其丁役家長誠
其子弟買者漸少賣者自稀一旦舊令胥蠲

國法弛於上家教弛於下婦孺傭販以為應然將
至有限之錙銖悉入奸人之囊橐遷流所極貽
害何窮治田者不以莠多而忘芸治盜者不以
犯多而廢法此礙難舉辦者三也我朝
朝愛育黎元無微不至雖當軍書旁午時從未行
一病民之政往歲海防缺餉閩姓復開臣未能
別籌巨款不得不踵而行之若小閨姓之罔利
害民與閩姓迥然不同即使繳餉有著猶難興
辦况其瑣碎繁雜利少害多於餉項亦無把握
乎阻忝任封圻仰蒙

省河沙路鐵樁工程完竣摺

十七年十月初五日

奏為省河沙路地方樹立鐵樁工程完竣恭摺具

陳仰祈

聖鑒事竊查廣東省河自黃埔尾分南北兩支南為沙路北為魚珠皆中外船隻出入之塗南支沙路水深尤為粵防大局所繫光緒十五年八月前督臣張之洞奏請於該處樹立鐵樁以資防守工費約需萬餘金一年內可以竣事臣到任後體察情形原約一年之期非洋匠所允未便將就草率而下樁工費約需銀三萬數千兩加石護樁約需萬餘金均係必不可省復於光緒十六年四月附片奏明在案臣督飭記名提督蔡金章試用道閻希范認真經理先將船隻器具馬頭棚廠趕緊辦齊一面催解樁件於光緒十六年三月興工樹立至十七年五月底工竣查洋人鐵樁之制係用品字式三樁組合上加鐵蓋謂之一套沙路面寬三百七十餘丈除沙坦淺水南岸至北岸計寬三百五丈設樁兩層每樁一套相距一丈九尺有奇外樁與內樁相距三丈有奇作之字形聯以鐵索互相維繫

椿之長短視水深淺自六丈數尺至三丈數尺不等南北各留開口十五丈設遇有事之時均可即行堵塞南北開口兩邊各樹單鐵椿二十支中填紅毛泥作圓弧形以順水勢各設紅綠望燈以便船行北開口係輪船往來之路內外各加護口鐵椿二套以防撞碰椿根壓石計厚一丈三四尺至五六尺不等均視水之深淺分別填護完工後經臣選派文武大員逐細查驗一律堅固深穩堪資守禦數月以來疊經江漲察看尚無鬆動嗣後仍應每年加石益固根本惟此事係雇用洋匠仿照西法施工開支各項無例可援均係核實動用樹椿一切工費共用銀三萬七千二百七十餘兩壓石工費共用銀一萬一千七百三十餘兩飭據善後局司道逐加覆核尚無浮冒與臣上年附奏之數亦屬相符應請連同購椿價銀歸於海防善後案內另冊造銷又查張之洞原奏內稱以後擬兩年加增一次現在粵省經費支絀兩年後能否續增應俟屆時酌量財力奏明辦理所有沙路河椿工竣緣由謹會同廣東巡撫臣劉瑞芬繕摺

具陳伏乞

皇上聖鑒訓示謹

奏



奏

皇上聖鑒訓示謹

具陳伏乞

查閱虎門各礮臺及雷廠河椿片

再虎門長洲前中路各礮臺捍蔽省城關繫甚重魚雷船艇尤為海防要需前年臣到任時曾經留心察看並於黃埔地方勘建雷廠船臺以免要件損失去冬復往察看一次今歲各處礮臺多易新勇又添配雷艇勇丁兩號與舊有二艇合成一營而所建雷廠船臺亦經工竣均須親往查閱臣於十二月初三乘廣甲兵輪駛出虎門縱覽形勢兼閱各營於初七日旋省竊查頭路大角沙角威遠三臺遙為犄角上下橫檔各臺鼎峙中流鎖鑰海口洵為扼要之區惟地勢散漫有事之際必須輔以重兵其臺座營房均屬完固惜前尚書臣彭玉麟於沙角大角僅設暗臺口門又小礮子平出祇能橫擊船邊一發不中敵船即遠幸上下橫檔各礮迎頭轟擊尚可制勝中路長洲魚珠牛山沙路各臺層層環繞緊對四沙敵船來路為省外第二重門戶尚握形勢之要防守所不可忽各營弁勇步止齊手法靈捷大致均可觀臣獎其優而訓飭其不及務使人皆知倣安不忘危

黃埔雷

廠各工一律堅整工廠兵房雷庫藥庫度船有
臺起重有架較前已臻完備雖用銀數萬而利
益頗多雷艇鋼底甚薄在水易鏽以臺架之不
致損壞一利也廠屋寬廣便於工作凡裝納雷
藥較定雷性皆得遂件講求二利也學生半日
在學堂半日在雷廠心明其理身習其事更易
進功三利也雷礮價極昂貴工極精細臣於餉
需支絀之餘勉力經營成此者蓋惜從前購辦
之艱而冀他日得收實效也道經沙路徧視攔
河鐵椿悉皆深穩防守堪資雖不能如前督臣
張之洞所奏每歲加增而椿腳壓石總須加填
以防潮汐衝刷或有鬆動除仍督飭將弁認真
操練防護外所有查閱礮臺雷廠等處情形理
合附片具陳伏乞

聖鑒謹

奏

奏為雷艇鋼底甚薄在水易鏽以臺架之不致損壞一利也廠屋寬廣便於工作凡裝納雷藥較定雷性皆得遂件講求二利也學生半日在學堂半日在雷廠心明其理身習其事更易進功三利也雷礮價極昂貴工極精細臣於餉需支絀之餘勉力經營成此者蓋惜從前購辦之艱而冀他日得收實效也道經沙路徧視攔河鐵椿悉皆深穩防守堪資雖不能如前督臣張之洞所奏每歲加增而椿腳壓石總須加填以防潮汐衝刷或有鬆動除仍督飭將弁認真操練防護外所有查閱礮臺雷廠等處情形理合附片具陳伏乞

